

**BAABKA V**  
**DHICIDDA WAAJIBAADKA**

**MADAXA I**  
**GUDASHADA**  
**QEYBTA I**

**DHINACYADDA GUDASHADA**

**Qodobka 320aad**

1. Waajibka waxaa gudan kara deynqabaha. wakiilkiisa ama qof kasta ee maslaxad ku leh gudida. iyadoo la dhowrayo axkaamta qodobka 205.

2. Iyadoo la dhowrayo isla axkaamtaas gudida waxey ka ansaxdaa qof aan maslaxad ku lahayn, gudidda xataa haddii uusan ogeyn deynqabaha amaba uusan dooneynin, hase yeeshay waxaa u bannaan deynlaha in uu diido gudit qof saddexaad haddii deynqabuhu is hortaagay gudidaas uuna gaarsiiyey deynlaha is hortaaggiisa.

**Qodobka 321aad**

1. Qof seddexaal haddii uu guddo waajibka, wuxuu xaq u leeyahay in uu ugu noqdo deynqabaha inta uu bixiyey.

2. Hase yeeshay waxaa u bannaan deynqabaha ee laga bixiyey deyntra doonis la'aantiisa in uu diido u celinta qofka bixiyey wixii uu bixiyey oo dhan ama qaarkoo uu caddeeyo deynqabaha in maslaxad ugu sugan tahay is hortaagidda bixinta.

**Qodobka 322aad**

1. Gudidda ansixideeda waxaa shardi u ah in guduuhu yahay mid leh sheyga uu ku guday iyo in uu leeyahay awood maamuleed.

2. Hasc yeeshc bixinta sheyga la muteystay ce uu sameeyey qof aan lahayn awood maamuleed wey rideysaa waajibka, haddii gudidu eynaan gaarsiinin dhib qofka bixiyey.

### Qodobka 323aad

Haddii bixintu ka timaado qof seddexaad, kani wuxuu gelayaa halkii deynlaha la raaligeliyey, xaaladaha soo socda:

b. Haddii guduuhu iyo deynqabaha waajib ku ahayd gudida amaba guduuhu uu saarnaa waajibka gudida.

t. haddii guduuhu laftiisa yahay deynle ee u guduna deynle kale oo ka leh xaqa horumarinta lammaan ceyn ah awoodeed xataa marka kan guday uusan lahayn wax lammaan ah.

j. haddii guduuhu iibsaday maguurto ee qiimahiisina dhieebay si uu ugu gudo deynlayaal xuquuqdooda ku lammaanieed maguurtadaasi.

x. Haddii uu jiro qodob gaar ah ee xeereed oo siinaya gudaha xaqa gelidda meesha deynlaha.

### Qodobka 324aad

Deynlaha aqoonsada bixinta uu sammeeyey qof saddexaad heshiinta uu la sammeeyey kan dambe awgeed inuu galoo meeshiisa xagga xuquuqdiisa xataa haddii uusan oggolaan deynqabaha. Heshiiskaas dhammayntiisa ma bannaana in ay ka dib marto waqtiga gudida.

### Qodobka 325aad

Haddii deynqabaha amaahsado qadar lacag si uu u bixiyo deynta, waxaa u bannaan in uu geliyo amaahiyaha meeshii deynlaha helay bixinta, xataa haddii uusan oggoleyn, waxaase shardi ah in qoraalka amaahda lagu tilmaamo in lacagta amaaahda loogu tala galay bixinta deynta iyo in rasiidka lagu xuso in bixinta lagu sameeyey lacagtii laga helay deynlaha cusub.

### Qodobka 326aad

Qof saddexaad xeer ahaan amaba heshiis ahaan degay

meeshii deynlaha wuxuu leeyahay xaqiisiil ilaa iyo inta ay la egtahay lacagta uu bixiyey ay la socoto waxyaabihii la xirri-ray dhammaanadyadii iyo ishortaagyadii ku saabsanaa xaga deynta.

### Qodobka 327aad

1. Qofka saddexaad haldii uu u gudo deynlaha qaar ka mid. ah xaqiisa, isla markaasne uu galo meshiisa, bixintaasi wax u dhibimeyso deynlaha, kaas oo ku isticmaali karo xu-quuqdiisa inta weli u hartay asagoo laga hormarinayo dadka saddexaad.

2. Haddii qof saddexaad oo kale galo meeshii deynlaha wixii u haray ee xaqiisa ah qofka labaad ee soo galay wuu xuu la wadaagaa kii hore qeybo la'eg mid. kastaba deyntiisa.

### Qodobka 328aad

Qofka saddexaad ee haystaha ah ee bixiya dhammaan deynta rahman galana meesha deynlayaalka, uima bannaana gelitaankas dartiisa in uu dacweeyo qof saddexaad ee haystamaguriito kale ee u rahman isla deynta inta ay la'eg tahay qeybta deynta marka loo eego qimaha maguritadda ee uu haysto mooyee.

### Qodobka 329aad

Bixinta waxaa sameeynaya deynlaha ama walciilkiisa, waxaa xaq u leh helidda bixinta qofkii u keena deynqabaha ra-siid ka soo baxay deynlaha. Haddii aan lagu heshiinin ga-didu loo sameeyo deynlaha qof ahaantiisa.

### Qodobka 330aad

Bixinta loo sameeyey qof ka duwan deynlaha ama walciilkiisa, kama xoreyneysa deynqabaha deynta, haddii deyn-luhu uusan oggolaatin amase uusan ka faa'iideysan ilaa ciyo inta ay la'eg tahay ama haddii bixinta lagu sameeyey si ni yad-sami, loona sameeyey qof haysta qoraal deyneyd (titolo di credito)

### Qodobka 331aad

Haddii deynluhu diido sabab la'aan in uu aqbalo gudida loo bandhigay, si sax ah amaba uu diido in uu ku kaco hawlo gudidu eynan dhici karin la'aanteeda amaba uu caddeeyey in uusan oggolaaneynin gudida, waxaa lagu tirinayaa mid loo digay laga billaabo waqtiga diididiisa uu gaarsiiyey deynqabaha si sharci ah.

### Qodobka 332aad

Haddii deynlaha loo sameeyo digniinta aqbalidda deyna, wuxuu xambaarsadaa sheygii halaabidiisa ama lumidiisa; weyna istaagtaa dulsaaradii ku socotay deynta, deynqabuhu wuxuu xaq u leeyahay in sheygii ku xafido deynlaha xisaabiisa iyo in uu weydiisto magdhabid wixii soo gaaray ee dhib ah.

### Qodobka 333aad

Haddii waxa la gudaayo uu yahay shey la hubo, waajibna uu yahay in lagu dhiibo meesha uu yaalo, waxaa u bannaan deynqabaha marka deynluhu u digay sheyga kaddib in uu ka helo garsoorka ruqsad sheyga xafididiisa ah.

Haddii sheygu uu yahay maguurto amaba shey loogu tala-galay in uu yaal halka laga helo, waxaa u bannaan deynqabaha in uu weydiisto sheygaas in la xajiyo.

### Qodobka 334aad

1. Garsoorka ruqsadiisa kaddib waxaa u bannaan deynqabaha in uu ku gado naado ahaan waxya' dhaqsa ah u halaaba amaba xafididooda iyo ilaalintooda ay keeneyso masaariif badan iyo in uu dhigo qiimahooda khasnada Maxkamadda.

2. Haddii alaabtu leedahay sicir suuqeed amaba sahmiyeyaal leh sicir; ma ay bannaana in lagu gado naado. haddii ay suurtowdo in lagu gadc sicir caadi ah mooyee.

### Qodobka 335aad

Sidoo kale waa bannaan tahay in la xafido ama la qaado tillaabo la mid ah, haddii deynqabaha uu jaahil ka yahay qofka ama degnaanshaha deynlaha, haddii deynlaha uu waa-

yo awoodda dhammaan ama qaar ahaan, uusana lahayn wa-  
kiil u aqbala bixinta, haddii xaqaa dad badan ay ku doodayaan  
ama haddii ay jiraan sababo dhab ah ee keenaya tillaabadaas.

### Qodobka 336aad

Bandhigida dhabta ah waxey la mid tahay gudida, had-  
dii loo fiiriyo xagga deynqabaha ayna raacdo xafidid waafaq-  
san Xeerka Habka Madaniga amaba uu raaco tillaabo kale  
ee la mid ah, waxaase shardi ah in uu oggolaado deynlaha  
amaba lagu aqoonsado xukun dhammaad ah.

### Qodobka 337aad

1. Haddii deynqabuhu bandhigo gudida deynka uuna  
raacsiiyo bandhigida xafidid iyo tillaabo la mid ah, waxaa u  
bannaan deynqabaha in uu ka noqdo bandhigidda maadaama  
deynluhu uusan aqbalin amaba maadaama uusan soo bixin  
xukun dhammaad ah ee caddeeyey ansixidiisa. Haddii uu ka  
noqdo ma xuroobaan kuwa deynka la wadaagsada qaantooda  
ama kuwa lamimaanay qaantooda.

2. Deynqabaha sameeyey bandhig oo ay la socoto xa-  
fidaad ama tillaabo kale oo la mid ah, waxaa u bannaan inuu  
ka noqdo ilaa iyo inta deynluhu uusan oggolaan ama ilaa iyo  
inta uusan soo bixin xukun ansixiyey ee leh xoogagga fuli-  
taanka, xaaladdaasi deynqabayaalka kale iyo lammaanayaal-  
ka ma xuroobaayaan.

## QEYBTA II

### SHEYGA LA GUDAAYO

### Qodobka 338aad

Gudida waxaa weeye fulinta sheyga la muteystay, lagu-  
ma qasbayo deynlaha in uu aqbalo xataa haddii uu yahay mid  
qiimahiisa la siman yahay ama ka sareeya.

### Qodobka 339aad

1. Uma ay bannaana deynqabaha in uu ku qasbo dey-

nlaha in uu oggolaado gudid qaareed, haddii uusan jirin he-shiiis amaba qodob xeereed oo sidaa ka duwan.

2. Haddii deynku yahay mid lagu doodsan yahay qaarkiisa deynluhuna uu aqbalo in uu gudsado qaarka la oggol yahay uma ay bannaana deynqabaha in uu diido gudida qaarkaas.

### Qodobka 340aad

Deynqabuhu haddii ay laasim ku tahay in uu la bixiyo deynta asalka ah masaariif iyo dulsaaro, wixii uu bixiyeyna ku filneyn deynta oo dhan iyo wixii raaca waxaa laga jaraa horta wuxubixiyey masaariifta kaddibna dulsaarada kaddib-na deynka asalka ah, intaas oo dhan waa haddii aan lagu he-shiin wax ka duwan sidaas.

### Qodobka 341aad

Haddii deynqabuhu isla deynlaha uu ka qabo deymo badan oo isku nooc ah wuxuu bixiyeyna ku filneyn deymaha oo dhan, waxaa u bannaan deynqabaha in uu magacaaboo marka uu sameynaayo bixinta deynta uu ula jeedo bixintaas haddii magacaabiddaasi ka soo horjeedin xukun xeereed amaba heshiis gaar ahaaneed.-

### Qodobka 342aad

Haddii la waayo heshiis amaba xukunka lagu xusay qodobka hore bixinta waxaa loo qaadanayaa in ay ku saabsan tahay deynta dhacday amaba haddii ay badan yihii deymaha dhacay waxaa loola jeedaa deynka u dhib badan deynqabaha ama ugu dembeystii deynta uu magacaabay deynlaha marka dhikoodu siman yahay.

### Qodobka 343aad

1. Waxaa waajib ah in gudiddu dhacdo degdeg maralla marka waajibku ku dhashay si dhammaad ah deynqabaha hantidiisa haddii uusan jirin heshiis amaba qodob xeereed oo sidaa ka duwan.

2. Hase yeeshi Garsooraha waxaa u bannaan mara gaar ah, haadii ayna jirin qodobo xeereed in uu siyo deynqabaha. Haddii xaaladiisu keeneyso muddo macquul ah si uu fuuto waajibkiisa waxaase shardi ah in ayna taasi u keenin dhibaato culus deynlahaa.

#### Qodobka 344aad

1. Haddii sheyga waajibka ku saabsan yahay la hubo waxaa waajib ah in lagu dhiibo meesha uu yaal marka waajibka uu dhashay, haddii uusan jirin qodob xeereed ama heishiis sidaas ka duwan.

2. Waajibaadka kale gudidu waxey ku dhacdaa meesha uu degan yahay deynqabaha waqtiga gudida amaba meesha laga helo xarunta hawla deynqabaha haddii xilku ku lug leeyahay hawlaasi.

#### Qodobka 345aad

Gudida masaariifteeda waxey saaran tahay deynqabaha, hadduusan jirin heishiis sidaas ka duwan.

#### Qodobka 346aad

1. Wuxuu leeyahay qofkii guday qaar ka mid ah deynta in uu weydiisto rasiid waxa uu guday iyadoo bixinta lagu tilmaamaayo qoraalka deynta, haddii uu gudo deynta dhamaanteed wuxuu leeyahay oo kale in uu weydiisto soo celinta qoraalka amaba baabi'intiisa, haddii qoraalku uu dhumay wuxuu leeyahay in uu ka weydiisto deynlahaa caddeyn qoraal ah ee ka markhaati fureysa lumidda qoraalka.

2. Haddii deynluhu diido in uu ku kaco waxa ay ku waajibsey xubinta hore deynqabaha waxaa u bannaan in uu xifdiyo sheyga la mutey xifdin garsooreed.

#### MADAXA II

#### *HABABKA DHICIDDA WAAJIBKA EE LA MIDKA AH*

#### GUDIDDA

#### QEYBTA I BIXIN WAX U DHIGMA

Qodobka 347aad

Haddii deynluhu oggolaado bixin ka duwan tii uu mu-teystay bixintaas waxey istaageysaa meesha gudida.